

KUALA LUMPUR, Khamis — Malaysia yakin ia berada di ambang perkembangan pelaburan, kata Timbalan Perdana Menteri, Dato Seri Dr. Mahathir Mohamad hari ini.

Katanya, bagi tujuh bulan pertama tahun ini jumlah projek yang diluluskan bertambah dari 162 kepada 195.

Ini merupakan tambahan dalam pelaburan modal dari \$261 juta kepada \$470 juta tahun ini bagi tempoh yang sama, katanya dalam taklimat pelaburan dan dialog tertutup, anjuran Institut Pengurusan Malaysia di sini.

Seramai 130 ketua-ketua eksekutif perniagaan dan perindustrian menghadiri taklimat dan dialog sehari itu.

Pihak Kerajaan diketuai oleh Dato Seri Dr. Mahathir, yang juga Menteri Perdagangan dan Perindustrian, bersama dengan Menteri Kewangan Tengku Razaleigh Hamzah, Menteri Pengangkutan Tan Sri V. Manickavasagam, Menteri Buruh dan Tenaga Rakyat Encik Richard Hodan Menteri Perusahaan Awam Encik Manan Othman dan pegawai-pegawai kanan mereka.

Dato Seri Dr. Mahathir berkata Malaysia telah berjaya mengatasi pelaburan yang meleset.

Tambah baik

Angka-angka bagi pelaburan swasta pada hakikatnya menunjukkan penurunan yang kecil dalam tahun 1976.

Tetapi, dalam tahun 1976 keadaan telah bertambah baik dan angka ini meningkat empat peratus dan menjadi 8.2 peratus tahun sudah.

Katanya, tahun sudah 400 projek telah diluluskan tahun sudah yang merupakan pelaburan modal sebanyak \$882 juta yang boleh memberi 29,600 pekerjaan.

Dari projek-projek itu, 201 adalah dimiliki sepenuhnya oleh rakyat Malaysia, lapan milik asing dan 181 usahasama.

Timbalan Perdana Menteri berkata, projek jenis perkembangan dan mempelbagai telah meningkat 190 peratus.

Dato Seri Dr. Mahathir berkata pembentukan Malaysia LNG Sdn. Bhd. merupakan pelaburan yang terbesar dibuat setakat ini di negara ini selain dari satu usaha dalam teknologi peringkat tinggi.

Katanya, antara tahun 1975 dan 1980 Malaysia berharap dapat menaikkan pegangan modal saham syarikat-syarikat berhad asing dari \$3,518 juta kepada \$8,952 juta.

Pertambahan ini, bagaimanapun, adalah lebih rendah dari unjuran kenaikan dalam unjuran modal saham dari \$9,890 juta kepada \$20,527 juta.

Katanya, dengan de-

Tambahan modal meningkat \$470 juta — Mahathir

mikian saham asing diunjurkan jatuh dari 54.9 peratus kepada 43.6 peratus.

"Dengan lain-lain perkataan, walaupun kita bekerja kuat untuk m e n a m b a h k a n pelaburan asing, sebenarnya kita sedang mengurangkannya," katanya.

Timbalan Perdana Menteri berkata lawatan Naib Perdana Menteri China Teng Hsiao-ping adalah satu faktor tambahan menyokong usaha rantau Asia Tenggara yang bertekad untuk berkecuali berikutan dengan tamatnya perang Vietnam.

"Prospek jangka panjang kita terletak atas harapan untuk kerjasama ekonomi serantau," katanya.

Katanya, Asean sedang mendapat satu bentuk pengukuhan dan dengan bertambahnya kegiatan perdagangan dan dengan penentuan projek-projek perindustrian ia sudah melewati peringkat bercakap.

Pemandangan yang paling optimistik menunjukkan Asean sebagai satu alternatif kepada bloc Indo-China dan percaya hubungan politik boleh diharmonikan antara kedua-duanya atas asas kerjasama ekonomi.

Negara-negara Asean

mempunyai hampir semua bahan utama yang diperlukan oleh negara-negara membangun.

Di Malaysia saja, ada tanda-tanda cukup untuk perkembangan baru.

Malaysia mempunyai simpanan strategik baru minyak dan gas. Inisiatif baru dan inovasi sedang menukarkan pemerdagangan corporate.

Malaysia sedang menuju ke peringkat kedua dalam mana industri meningkat kepada projek penengahan dan peringkat separuh berat.

Dato Seri Dr. Mahathir berkata peringkat ketiga dalam perancangan jangka panjang ialah perindustrian berat seperti pembinaan kapal dan pengeluaran besi baja — industri yang menjadikan dunia sebagai pasarannya.

Katanya, adalah tidak keterlaluan untuk mengharapkan Malaysia sebagai sebuah model baru perkembangan yang pesat di Asia.

Korea Selatan dan Taiwan berjaya selepas mengikuti langkah Jepun, dengan mengeluarkan barang-barang perindustrian murah menggunakan tenaga buruh murah, katanya. — Bernama

Bahan asal dari Arkib

Negara Malaysia

No. Ser.: 1462

No. Pen.: 1133/80